



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

*Մեր կոնտակտները՝*

*Պաշտոնական կայք՝ <http://www.armin.am>*

*Էլ. փոստ՝ [info@armin.am](mailto:info@armin.am)*

**1909թ. ԱԳԱՆԱՅԻ ՋԱՐԳԵՐԻՆ ԹՈՒՐԲԱԿԱՆ  
ԲԱՆԱԿԻ ՄԱՍՆԱԿՑՈՒԹՅԱՆ ՀԱՐՑԻ ԵՌՈՐՁ**

Անի Ոսկանյան

1908թ. երիտթուրքական հեղաշրջումից մեկ տարի անց տեղի ունեցած Ադանայի կոտորածը կայսրության քրիստոնյա ժողովուրդների, մասնավորապես՝ հայերի նկատմամբ իրականացվելիք ծրագրի առաջին նախանշանը հանդիսացավ: Ադանայի կոտորածը, որին զոհ գնաց շուրջ 30 հազ. հայ, կազմակերպվեց կենտրոնական իշխանության կողմից: Իշխանության հրահանգով բացվեցին զինապահեստները, զինվեց ամբոխը, իսկ ավելի մեծ կորուստներ պատճառած երկրորդ ջարդն իրականացվեց «կարգ ու կանոն» հաստատելու համար Ադանա բերված սահմանադրական ազատարար բանակի միջոցով, որն ինքնին խոսուն փաստ է պետական միջամտության մասին:

Կառավարության քաղաքականության իրագործումը հանձնարարվեց Ադանայի վալի Ջևադ բեյին և զինվորական հրամանատար Մուստաֆա Ռեմզի փաշային: Ադանայի նոր կառավարիչն ու զինվորական հրամանատարը սկսեցին գաղտնի խորհրդակցություններ գումարել, զորամասեր տեղափոխել Կիլիկիա, զինել խուժանին և մշակել հայկական ջարդերի ծրագրեր: Ադանայի հոգևոր առաջնորդ Մուշեղ Եպիսկոպոսը նշում է, որ մեծ քանակությամբ զենք և զինամթերք է տեղափոխվել Կիլիկիայի գորանցները, և, որ Աբդուլ Համիդը մի քանի հազար ոսկի է նվիրել համիդեական գորագնդերին:<sup>1</sup>

Ջարդերի նախօրեին «Միություն և առաջադիմություն» կոմիտեի անդամ Իսհան Ֆիքրիի խմբագրությամբ Ադանայում հրատարակվող «Իթիդալ» թերթի կողմից կազմակերպվեց ժողով, որին, ինչպես հավաստում է Հ. Պապիկյանը,<sup>2</sup> մասնակցում էին «բոլոր իսլամ դասակարգերը - պաշտօնեայ, կրօնական, զինուոր և գործաւոր»:<sup>3</sup> Այնուհետև բոլորը լծվեցին զանգվածային հարձակում նախապատրաստելու գործին: Վերոհիշյալ ժողովից հետո, գրգռված ամբոխը՝ մշտապես այնտեղ գտնվող պահակազորի կողմից առանց որևէ դիմադրության հանդիպելու, թալանում է զինապահեստը: Սա ինքնին վկայում է «... որ զենքերը բաշխուած են եղել կառավարական հրամանով», քանի որ «...միևնույն բանը պատահած է նահանգին բոլոր այն մասերուն մեջ՝ ուր այս պատճառներով ջարդեր տեղի ունեցած են»:<sup>4</sup> Ձենքերը բաժանելու մասին տեղեկացնում է նաև Հ. Թերզյանը՝ գրելով. «Երկաթուղիի կայարանը պաշարող վայրագ խուժանը՝ բարձրաձայն գոչերով զորանոց վազեց և հոն բաշխեցին մնացած զենքերն էլ»:<sup>5</sup> Ադանայի երիտթուրքական կազմակերպության ղեկավար Շյուքրին ևս, զինապահեստը բացելով, ողջ զենքը բաժանել է թուրք ամբոխին:<sup>6</sup>

Ձենքի նպատակային բաժանման մասին վկայում է նաև այն, որ ավելի ուշ, երբ ինքնապաշտպանության դիմած հաճնցի հայերը զինամթերք ձեռք բերելու նպատակով հարձակվում են զինապահեստի վրա, անհաջողության են մատնվում,<sup>7</sup> և հետ շարտվում պահակազորի կողմից:

1 Մուշեղ Եպիսկոպոս, Ատանայի ջարդը և պատասխանատուները, Գահիրե, 1909, էջ 56:  
2 Հակոբ Պապիկյանը եղել է Օսմանյան խորհրդարանի պատգամավոր և խորհրդարանի կողմից՝ Ադանայի կոտորածները հետաքննելու համար ստեղծված հանձնախմբի անդամներից մեկը:  
3 Յ. Պապիկյան, Ատանայի Եղեռնը, Կ. Պոլիս, 1919, էջ 25:  
4 Նույն տեղում, էջ 26:  
5 Թերզյան Յ., Կիլիկիոյ աղետը, Կ. Պոլիս, 1912, էջ 164:  
6 Գասպարյան Ռ., Հայկական կոտորածները Կիլիկիայում, Երևան, 2005, էջ 67:  
7 Նույն տեղում, էջ 76:

Մարտի 31-ին, երբ դեռևս ջարդի նախաքայլերն են կատարվում, տեղական կառավարությունը ոչինչ չի ձեռնարկում գալիք աղետը կանխելու համար: Ապրիլի 1-ին խուժանը շուկայում և թուրքական թաղերում հայերին կոտորելուց հետո հարձակվում է հայկական թաղամասերի վրա: Կարգ պահպանելու համար կանչված ռեզիֆները (պահեստային զինվորներ) խառնվում են ամբոխին և ավելի վատթարացնում դրությունը: Մուշեղ Եպիսկոպոսը վկայում է. «...Ձինուորական ջոկատ մը, որուն իբր թէ պաշտօնը հանրային ապահովութեան հսկելն էր, իրեն տրուած գաղտնի հրահանգներու համաձայն, զինուորական փողի ազդանշանով և խուժանին համաձայն Բէլիս Սէլիմ բեյի հրամանատարութեամբ, կը պաշարէ Ծապանիյէ թաղը և կանոնավոր գնդակահարութեամբ յարձակում կը գործէ Քրիստոնէաբնակ թաղի մը վրայ...»:<sup>8</sup>

Մի քանի օր շարունակվող ջարդը դադարեցնելու համար տեղական կառավարությունը՝ ի դեմս վալիի, կայազորի հրամանատարի և ոստիկանության պաշտոնյաների, ոչինչ չի նախաձեռնում: Միակ բանը, որով զբաղված էին իշխանությունները, կոտորված հայերին հավաքելով ու սայլերի վրա կիտելով գետը լցելն էր:<sup>9</sup>

Թեև Փարիզում Օսմանյան դեսպանատան հայտարարությունում ասվում էր, որ. «Իրականութեան մէջ այ, խռովութեանց ընդարձակումը բաւականաչափ պատրաստ զինուոր չգտնելուն և մօտ նահանգները ուզած զինուորական ուժին սպասուած ժամանակին որոշեալ վայրեր հասնել չկարենալունն արդիւնք էր»,<sup>10</sup> սակայն, իրականում, ջարդերը սկսելու առաջին օրը՝ ապրիլի 1-ին, և դրանք դադարեցնելու օրն Ադանայում նույնքան զինվոր կար: «Ձինուորները, որ ջարդէն առաջ իբր թէ փոքրաթիվ խուժանը չէին կրցած զսպել, ջարդէն ետքը անոր տասնապատիկը եղող խուժանը զսպեցին կէս ժամուայ մէջ»,<sup>11</sup> գրում է Հ. Թերզյանը: Այլ փաստեր ևս հավաստում են, որ զինվորականները ցանկության դեպքում կարողացել են կանխել կամ կասեցնել ջարդերը. «...Հանկարծ Միսիսի հազարապետ Լուիֆի պէյը՝ մի քանի զինուորներով շուկան եկաւ և զինուորական փողերով և մունետիկներով խուժանին հրամայեց, որ ջարդը դադարեցնեն: Վայրագ խուժանը՝ վերի թաղի մէջ վաթսուն հոգի ջարդելէն ետքը դադարեցրեց յարձակումը»:<sup>12</sup>

Չափազանց հետաքրքիր է Սահմանադրական 3-րդ բանակի սպաների և զինվորների գնահատականներն Ադանայում ապրիլի 6-7/19-20 տեղի ունեցած առաջին ջարդի վերաբերյալ, որին նրանք դեռևս չէին մասնակցել. «Միթէ ինն ամսէ ի վեր Իթթիհատը քիչ աշխատեց երկրին մէջ հանդարտութիւն պահպանելու: Ատանայի կողմերն այդքան արիւնհեղութիւն կ'լլար, եթէ Իթթիհատն անցեալ շարաթուն ի վիճակի ըլլար գործելու Ատանայի վիլայեթին մէջ: Ինն ամիս ի վեր քանի քանի խռովութեան, անկարգութեան առաջն առնուեցաւ Անատոլիոյ մէջ մի միայն Իթթիհատի գործակալներուն արագափոյթ օգնութեան շնորհիվ»:<sup>13</sup> Կամ, ինչպես տեղեկացնում է Բյուզանդիոնը, «Սելանիկի և Ադր. Պոլսոյ զօրքն և իրենց սպաներն, որ Պոլիս մտան Ծաբաթ օրուան արիւնայի յաղթանակէ ետքը՝ ջերմ համակրանքով կ'վարուին մանաւանդ Հայերուն հետ և ցաւ կը յայտնին Կիլիկիոյ ջարդերուն համար»:<sup>14</sup>

8 Մուշեղ Եպիսկոպոս, նշվ. աշխ., էջ 50-51:  
9 Геноцид армян в Османской империи, сборник документов и материалов, под редакцией М. Г. Нерсисяна, Ереван, 1966, N 99. ст.175.  
10 Աշնեան Յ., Ատանայի Եղեռնը և Գոնիսիյէ Յուշեր, Նիւ Եորք, 1950, էջ 42:  
11 Թերզյան Յ., նշվ. աշխ., էջ 55:  
12 Նույն տեղում, էջ 183:  
13 «Բիւզանդիոն», թիւ 3,807, Կ. Պոլիս, 1909, ապրիլ 7-20:  
14 «Բիւզանդիոն», թիւ 3,812, Կ. Պոլիս, 1909, ապրիլ 14:

Ծարժուն բանակի հրամանատար Հյուսէյն Հյուսնի փաշայի՝ ժողովրդին ուղղված հայտարարությունում ասվում էր. «Ազատարար Բանակին նպատակն է Սահմանադրութիւն միանգամ ընդ միշտ ազատել ամեն վտանգէ և հոշակել թե Սահմանադրութիւնէն վեր որևէ ոյժ գոյութիւն չունի այս երկրին մէջ»:<sup>15</sup> Իսկ Գ. գորարանակի և շարժուն բանակի հրամանատար Ա. Ներիզ Մահմուտ Շեքեթի 1325թ. ապրիլի 12 իր հայտարարության մեջ, գրեթե նույնին հավելում է, որ «ամէն ոք պատրաստ է ըստ այնմ խոհեմութեամբ և ակնածութեամբ վարուիլ»:<sup>16</sup>

Թեև երկտրորը գործիչները շարունակ խոսում էին սահմանադրությունից, մատնանշում էին իրենց ու նախկին բռնապետական իշխանությունների միջև եղած տարբերությունը, սակայն ինչպես ցույց տվեց դեպքերի հետագա ընթացքը, նրանք գործում էին նույն մեթոդներով: Աղանայում իթթիհադական ազատարար բանակը ոչ միայն իրականացրեց հայերի կորտորածը, այլև նրա բոլոր գործողությունները ղեկավարվում էր երկրի բարձրագույն մարմնի՝ իշխանության կողմից:

Զինադադարի չորրորդ օրը Կ. Պոլսի Ազատարար Ծարժուն Բանակի հրամանատար Մահմուտ Շեքեթ փաշան հեռագրով տեղեկացնում է, թե «Պոլսյ վրայ քայլող Ազատութեան բանակէն վաշտ մը մեկնած է Տէտէ-Աղաճէն դէպի Ատանա»:<sup>17</sup>

Ապրիլի 12-ին Մալոնիկից Աղանա ժամանեց սահմանադրական 3-րդ բանակի երկու գորագունը՝ ուղղարկված Իթթիհադի կենտրոնական վարչության կողմից «կարգ ու կանոն» հաստատելու համար: 11/24 ապրիլի Աղանայի վալի Ջևադ բեյի գաղտնագիր հարցմանը՝ ինչպես գործել, Իթթիհադի կենտրոնական վարչության կողմից տրվեց գաղտնի հրաման. «Ընտրեք կարճ ճանապարհ»:<sup>18</sup> Այլ աղբյուրներ ևս հաստատում են, որ. «Այս անգամ նրանք (զինվորներ Ռ. Ա.) հրամանները էին ստանում իթթիհադի առաջնորդների կողմից»:<sup>19</sup>

Սահմանադրական բանակի զինվորները դեռ չէին հասցրել Քըշլա Մեյդանի շրջանում՝ քաղաքի դարպասների մոտ, տեղավորվել, երբ նրանց ուղղությամբ հնչեցին կրակոցներ: Կրակոցները, ինչպես հետագայում ցույց տվեց հետաքննությունը, պատահաբար, առավել ևս՝ հայերի կողմից կամ էլ զինվորների վրա հարձակվելու նպատակով չէին հնչել: Կրակոցները հանդիսացան այն ցանկալի առիթը, որը գործին՝ գործելու, իսկ Մուստաֆա Ռեմզի փաշային՝ առաջին ջարդից հետո դեռևս ողջ մնացած հայերի վրա հարձակման հրաման տալու հնարավորություն տվեց: «Մուստաֆա Ռեմզի փաշան՝ առանց այդ սուտ գրույցները քննելու և ստուգելու՝ փողհարութեամբ անմիջապես յարձակումի հրաման տուած է զինվորներուն»:<sup>20</sup> ուլթեր (զինվորները-Ռ. Ա.) արդեն դժգոհ էին, որ պետք է ստիպված լինեն պաշտպանել քրիստոնյաներին իրենց հավատակիցներից:<sup>21</sup>

Ապրիլի 12-ի լույս 13-ի գիշերը խառնամբոխը սահմանադրական բանակի զինվորների գլխավորությամբ հարձակվեց Ապագարյան վարժարանի վրա, որտեղ ապաստանել էին առաջին ջարդից փրկված շուրջ 2000 հայեր:<sup>22</sup> Ջորջը շրջապատում է հաստատությունը

այն ողողում են նավթով և հրկիզում:<sup>23</sup> Այնուհետև, այրվող շենքից չհեռանալով, սահմանադրական բանակի զինվորները գնդակահարում են յուրաքանչյուրին, ով փորձում է կրակի բոցերից դուրս փախչել: Ապագարյան դպրոցից հետո հրկիզվում և ավերվում են այլ դպրոցներ, եկեղեցիներ, տարբեր հաստատություններ, որտեղ փորձել էին ապաստան գտնել հայերը:

Ականատեսը վկայում է, որ իթթիհատի զինվորները. «առաջին աղետն ավելի սուսկալի ահ ու դողի մատնեցին զմեզ»:<sup>24</sup>

Թերևս երկրորդ ջարդն առավել սուսկալի էր ոչ միայն այն պատճառով, որ ջարդին մասնակցում և ջարդն իրականացնում էին կանոնավոր զորամասերը, այլ նաև՝ որ կառավարությունը, նախապես հայերին զինաթափելով, գրկել էր նրանց պաշտպանվելու որևէ հնարավորությունից: Այս անգամ հայկական թաղամասերը հրկիզում էին նոր ժամանած զինվորները, որոնք «վրեժի միայն այդ միջոցն էին գտել, որովհետև թուրք և քուրդ խուժանը մինչ այդ ամեն ինչ թալանել էր»:<sup>25</sup> Դեռևս Մերսիում զնացք նստելուց առաջ նրանք սպառնացել էին. «Եթե մեր ժամանման պահին որևէ սպանված մահմեդական գտնեք, գիտենք թե ինչ կանենք»:<sup>26</sup>

Ինչպես նշում է Կ. Պոլսի ռուսական դեսպանը. «Կարճ ժամանակով ընդհատված խժողժությունները Աղանա քաղաքում վերսկսվել են՝ հենց որ թուրքական կառավարության կարգադրությամբ անդորրը վերականգնելու համար այնտեղ է ժամանել ռումելիական զորքերի մի ջոկատ: Զինվորներն անցել են տեղի մուսուլման բնակչության պարագոյուխների կողմը և սկսել կոտորել քրիստոնյաներին՝ խտրություն չդնելով ոչ սեռի, ոչ տարիքի մեջ, և թալանել ու հրդեհել նրանց տները»:<sup>27</sup> Ինչպես իրավամբ նկատում են Աղանայի հայ երևելիները. «Ապրիլի 12 և 13 օրերուն կատարված անբարոյանքներն ու մարդասպանությունները առաջանեցին աւելի մեծ ու ահավոր եղած են...»:<sup>28</sup> Ժամանակակիցները արձանագրում են, որ ամենացավալին այն է, թե «մենք հոս հազարու մը ճիգ խնդրելով թախանձելով, որ անմիջապես գօրք փութացուի, վայրագութիւնը ժամ առաջ դադարեցնելու համար, հոն կանոնաւոր զինուորներն իսկ կը՝մասնակցեին Հայերը տեղւոյն վրա ջարդելու, թալանելու»:<sup>29</sup>

Սահմանադրական զորքի զինվորները ոչ միայն գործում մասնակցություն են ունենում կոտորածներին, այլև անմասն չեն մնում ավար ձեռք բերելու գործում: «Բյուզանդիոնն» արձանագրում է, որ «Զինուորականներն օգնած են թե՛ այս հափշտակութիւններում, և թե՛ սպանութիւններում, և՛ աւարատութիւններում»:<sup>30</sup> «Շուկայի ամբողջ երկայնքն հայու խանութ չէ մնացած որ չթալանուի, դրամարկղերը զինուորներու օգնութեամբ հրացանների հարվածներով խորտակուած են»:<sup>31</sup> Աղանայի ջարդից փախած մի հույն հետևյալն է պատմել. «Ջորջն օգնեց ամէն կերպ, իրենց հրացաններով թէ մարդ գարկին, և թէ խանութներուն դռները կոտորելով օգնեցին եւ իրենք ալ լցունեցան ավարով»:<sup>32</sup> Ավելի ուշ,

15 «Բիւզանդիոն», թիվ 3,807, Կ. Պոլիս, 1909, ապրիլ 7-20:

16 «Բիւզանդիոն», թիվ 3,811, Կ. Պոլիս, 1909, ապրիլ 13:

17 Թէրզեան Յ., նշվ. աշխ., էջ 94:

18 Тунян В.Г. Младотурки и армянский вопрос, ч. 1, 1908-1912, Ереван, 2004, стр. 111

19 Գասպարյան Ռ., նշվ. աշխ., էջ 65: Duckett F., Turkish Atrocities. The Young Turks and the Truth About Holocaust at Adana in Asia Minor, During April, 1909, 1911, p.32.

20 Աշճեան Յ., նշվ. աշխ., էջ 25, 62:

21 Հայերի ցեղասպանությունն Օսմանյան կայսրությունում, (փաստաթղթերի և նյութերի ժողովածու Մ. Գ. Ներսիսյանի խմբագրությամբ), Երևան, 1991, էջ 254:

22 Adossidès A., Arméniens et Jeunes-Turcs. Les massacres de Cilicie, Paris, 1910, p. 54.

23 Նույն տեղում, p. 55.

24 Թէրզեան Յ., նշվ. աշխ., էջ 34:

25 Գասպարյան Ռ., նշվ. աշխ., էջ 65, «Գործ», Թիֆլիս, 28 ապրիլ, 86, 1909:

26 Նույն տեղում, էջ 64:

27 Նույն տեղում, էջ 231:

28 Աշճեան Յ., նշվ. աշխ., էջ 44:

29 «Բիւզանդիոն», թիւ 3,816, Կ. Պոլիս, 1909, ապրիլ 18-մայիս 1:

30 «Բիւզանդիոն», թիւ 3,814, Կ. Պոլիս, 1909, ապրիլ 16-29:

31 «Բիւզանդիոն», թիւ 3,815, Կ. Պոլիս, 1909, ապրիլ 17-30:

32 «Բիւզանդիոն», թիւ 3,808, Կ. Պոլիս, 1909, ապրիլ 8-21:

ջարդից հետո «Նրանք (զինվորներ Ա. Ո.) սպաների հրամանատարության ներքո անցնում էին Մերսինի փողոցներով, և փոխադրամիջոց բարձրանում՝ թալանված իրերը ձեռքներին»:<sup>33</sup>

Ջարդից և թալանից գատ զինվորները գիշերները շրջում էին շենքերի շուրջը՝ ջանալով առևանգել երիտասարդ աղջիկներին:<sup>34</sup>

Ադանայի կոտորածներին զուգընթաց ջարդեր էին տեղի ունենում Կիլիկիայի տարբեր հայաբնակ վայրերում: Ապրիլի 1-ին հուզումներ սկսվեցին Տարսուսում: Անգլիական դեսպանի զեկուցագրից պարզվում է, որ այստեղ ջարդերը լայն թափ ստացան, երբ խաժամուժին միացավ 400 զինվոր,<sup>35</sup> որոնք հատուկ գնացքով եկել էին Ադանայից, երբ կոտորածն այնտեղ արդեն ավարտվել էր:<sup>36</sup>

Նույն օրը հարձակման է ենթարկվում նաև Համիդիեն: Հայերը՝ Հովհաննես և Սարգիս Աղազարյանների գլխավորությամբ դիմում են ինքնապաշտպանության, որը ճնշվում է մահմեդական ամբոխի և կանոնավոր զորամասերի օգնությամբ:<sup>37</sup> Ապրիլի 2-ին թուրքական ուժերը 20-30 հազ. ռեզիմենտով և բաշիբոզուկներով շրջապատում են Դյորթ Յոլ գյուղը:<sup>38</sup>

Միևնույն ժամանակ վալին շարունակ դիմում է մայրաքաղաք և լրացուցիչ զորքեր պահանջում՝ հայկական «խռովությունը» զսպելու համար,<sup>39</sup> որը, իհարկե, ոչ թե «խռովությունը» զսպելու և «անկարգությունները» վերացնելու, այլ թուրք խուժանին ավելի ուժեղացնելու նպատակ էր հետապնդում:

Ադանայի կոտորածից հետո թե՛ տեղական կառավարության, և թե՛ հարցաքննվող «ականատեսների» կողմից բազմիցս փորձեր արվեցին որպես ջարդերի կազմակերպիչներ դիտարկել հայերին: Նրանք մեղադրվեցին նաև ապստամբելու փորձերի մեջ կամ, վերջապես, հանդես եկան որպես սադրիչներ, ովքեր հրահրել էին թուրքական կողմին մտնել կովի մեջ: Սակայն ինչպես գրում է ջարդերին ականատես Սուրեն Պարթևյանը, «Թե՛ Հայերը գրգռած ըլլան իսլամ խուժանին ատելությունն ու մոլեռանդությունը իրենց շարժումներով, խօսքերով... Թուրքական իրերուն մօտևն տեղեակ որևէ անձ չգիտեր թե ոչ մէկ տեղ թուրք խուժանը, որքան էլ գրգռած ըլլայ, ջարդերու չեղար երբեք՝ եթե նախապես տեղական իշխանութեանց քաջալերանքը չունենայ և մեղսակցութիւնն ու աջակցութիւնը չապահովվէ: Առանց աղոր ջարդ եղած չէ Թուրքիոյ մէջ և չի կրնար ըլլալ»:<sup>40</sup>

Հետագայում մանրամասները պարզելու նպատակով կազմվեց վերաքննիչ հանձնաժողով, իսկ մեղավորներին պատժելու համար ստեղծվեց Ռազմական ատյան:

Զինվորական դատարանը, որ բաղկացած էր կիլիկյան կոտորածների կազմակերպիչներից, ղեկավարներից ու մասնակիցներից, ձերբակալվածների մի մասին ազատեց, իսկ մյուսին դատապարտեց տարբեր ժամկետներով բանտարկության:

Դեպքերին քաջատեղյակ ռուս պաշտոնյաներից մեկը, 1909թ. հունիսին լինելով Ադանայում, գրում է. «Իսկական մեղավորներն ու մարդասպանները, այսինքն՝ իշխանություններն ու մակեդոնական (երիտթուրքական) զորքերը, չեն էլ մտածում թաքնվել, դրա կա-

րիքը նրանք չեն գգում, քանի որ հենց իրենք են ռազմական դատարանի և հետաքննչական հանձնաժողովների անդամներ»<sup>41</sup>, հենց իրենք էլ այժմ պաշտպանում են կարգն այն երկրում, որտեղ իրենց ձեռքով կոտորած իրականացրին: Իսկ փոխիշխույթատուներից մեկն արձանագրում է. «Թող հիմա որևէ մեկը փորձի հերքել, թե բոլոր անդամներն այս դատարանի, որի որոշումները բողոքարկման ենթակա չէին, Ադանայից չեն մեկնել ոսկով լի գրպաններով: Կոտորածի ժամանակ այդ ոսկին իհարկե խլվել էր հայերից... Հասարակ զինվորներն էլ ստացան իրենց բաժինը, չէ որ նրանք «բարի գործ» էին կատարել՝ օգնություն ցույց տալով իրենց հավատակիցներին այդ խնդրի կատարման ժամանակ: Այստեղ փորձում էին կոծկել այդ և նույնիսկ արդարացնել զինվորների այդքան խայտառակ արաքները»<sup>42</sup>: Ադանայի ջարդերի ականատես Համբարձում Աշճյանը իրավամբ նշում է. «Այլևս որ պատերազմական Ատեանը կրնար զիրենք պատժել: Ով պիտի կրնար դատապարտելու համարձակիլ այս քիչ անգամ պատահած կործանումը՝ երբ զինուորին պատիւր խնդրոյ առարկայ էր»<sup>43</sup>:

1909 թ. Ադանայի կոտորածը հայերին ոչնչացնելու օսմանյան քաղաքականության համոզիչ վկայություններից է: Ադանան դարձավ երիտթուրքերի հետագա ցեղասպանական ծրագրերն իրականացնելու մեկնարկային կետ, իսկ օսմանյան պետության բոլոր քաղաքացիներին պաշտպանելու համար ստեղծված բանակն ապացուցեց, որ պատրաստ է իրականացնել ցանկացած ոճրագործություն:

Ani Voskanyan

### On the Question of the Participation of the Army in 1909 Adana Massacres

Summary

1909 Adana massacres during which more than 30 thousand Armenians fell victim were organized and perpetrated by the central government of Young Turks. During the massacres the arsenals were opened and the crowd was armed by the instruction of the government. The second carnage which happened under the pretext of the establishment of a «law and order» was committed by the assistance of the Liberation army, which itself confirmed the direct involvement of the government in the organization of the massacres.

Thus, the constitutional liberation army committed Adana massacres by the order of the central government.

33 Հայերի ցեղասպանությունն Օսմանյան կայսրությունում, նշվ աշխ., էջ 256:

34 Նույն տեղում, էջ 261:

35 Գասպարյան Ռ., նշվ. աշխ., էջ 67:

36 Հայերի ցեղասպանությունն Օսմանյան կայսրությունում, նշվ աշխ., էջ 259:

37 Գասպարյան Ռ., նշվ. աշխ., էջ 70:

38 Նույն տեղում, էջ 72:

39 Arıkoğlu Damar, Hatıralarım, Milli Mücadele Çukurovada, İstanbul, 1961, s. 48.

40 Պարթևան Ս., Կիլիկեան Արհավիրքը, Կ. Պոլիս, 1910, էջ Ը:

41 Համբարձում Ա., Կիլիկիայի 1909թ. Հայկական կոտորածները, Պատմա-բանասիրական հանդես, 1988, N 4, էջ 29:

42 Геноцид армян в Османской империи, сборник документов и материалов, с. 206.

43 Աշճյան Յ., նշվ. աշխ., էջ.62: